

Ataatsimiinnerup ammarneqarnera

(Inatsisartut Siulittaasuat)

2023-mi upernaakkut ataatsimiinneq maanna ammarneqarpoq.

Upernaakkut ataatsimiinnissamut assigiinngitsunik pingaarutilinnik oqaluuserisassaqqarfigisatsinnut Inatsisartuni suleqatikka maanga ataatsimiittarfitsinnut tikilluaqqusinnaagakkit assut nuannaarutigaa. Suleqatigiilluarnitsigut ataatsimiititalianilu peqqissaartumik suliarinnittarnitsigut oqaluuserisassat angusaqarfiulluarnissaat neriutigaara.

Naalackersuisut inatsisiliortullu suleqatigiilluarnissaat kissaatigalugu Naalackersuisunut ilaasortat uummammit pisumik soorunami aamma tikilluaquakka.

Inatsisartut Ombudsmandiat naalagaaffiullu sinniisaa Rigsombudsmandi taamatuttaaq qamanga pisumik tikilluaquakka.

Tusagassiortut ataatsimiinnermut najuttuut minnerunngitsumillu innuttaasut tusarnaartut isiginnaartullu tikilluaquakkaattaq.

Innutaaqatigut nunatsinni tamaneersut Inatsisartut ataatsimiinnerannik TV-kkut internettikkullu malinnaasinnaasut aamma tikilluaquakka.

Inatsisartunut ilaasortaq Anna Wangenheim, Demokraatit, erninissaminut atatillugu sulinngiffeqarpoq, taamalu sinniisussamik ataatsimiigiaqqusisoqarsimalluni. Bjørk Lange Kristensen sinniisussatut ataatsimiigiaqquneqarpoq qinigaasinnaaneralu Qinigaanerup Misilinneqarnissaanut Ataatsimiititaliamit akuerineqarsimalluni.

Bjørk Lange Kristensenip Anna Wangenheimimut, pineqartup erninini pissutigalugu sulinngiffeqarnerani, sinniisussatut Inatsisartut ataatsimiinneranni peqataanissaata Inatsisartunit akuerineqarnissaa matumuuna inassutigaa.

Akerliusoqarnerluni.....

Bjørk Lange Kristensen, Inatsisartuni inissannut ingissinnaangorputit tikilluarillu.

Ilaasortat tamarluinnangajammik tikissimalerput, taama aamma aalajangiisinnaassuseqarluta.

Taamatut oqaaseqarlunga Inatsisartut 2023-mi upernaakkut ataatsimiinnerannut qamanga pisumik tikilluaquassi. Neriuppunga ataatsimiinnivut akaareqatigiiffiusumik inerititaqarfiusumillu ingerlanneqarumaartut, kiisalu ataatsimiinnermi anguniakkavut angujumaarivut.

Taamaalilluta oqaluuserisassani immikkoortut tullermut, tassa immikkoortumut 2-mut:
Oqaluuserisassanut nassuiaat, ingerlaqqissinnaanngorpugut.